

BROADCAST: 18:50 HRS

DATE: 21/02/ 2025

ASSEMBLY

འབྲས་ལྗོངས་ གྲང་ཚུ་ ཁང་ གི་ ད་རིང་ དབུལ་ཅེད་ ལོ་ ༢༠༢༤-༢༥ གི་ འོན་ལས་ དང་པོ་ རྩོན་རབ་ དབུལ་ དགོས་གཤམ་ དང་ འདི་ འབྲེལ་ཕྱི་
མགོ་ཤད་ bill ལོ་ རྒྱལ་སྐོར་ མཉམ་ཅེ་ ངོས་ལེན་ ལུལ་བོ་ ཨིན། ཉིམ་ གཅིག་ ཚུ་བཟུ་ ར་ རྩོན་ཚུ་ གྱི་ ད་རིང་ རྩོན་ལས་ གྱི་ ཚུ་བཟུ་ ལུ་ ར་ ལུལ་
དགོས་མཁན་ ༥ ཐམ་བ་ རྒྱུ་བ་ bill མཉམ་ཅེ་ གེམ་ཏི་ ༧ ཐམ་བ་ bill ལུ་ ཡང་ ངོས་ལེན་ གནང་བོ་ ཨིན། འདི་ རང་ལས་ འབྲས་ལྗོངས་ Municipal
རྒྱུ་བ་ bill ༢༠༢༥ འོན་བཞིན་ མངའ་ཕྱི་ ར་ ལུལ་ཁའི་ ཁྲིམས་ཁང་ འཛིན་སྐྱོང་ གི་ འོས་ཤོག་ འདི་ ལོག་ཏི་ རང་ སྤྱི་བྱས་ ཚུ་བའི་ འོས་མི་ ལུ་ ར་
ཐོན་ཤད་ ཨིན། ད་རིང་ ངོས་ལེན་ ཐོན་མཁན་ གཞན་ bill ལུ་ ཨིན་ - འབྲས་ལྗོངས་ motor འཁོར་ལོ་ རྒྱང་ རྒྱུ་བ་ bill, Mahatma Gandhi
གཞུག་ལས་ རྩོབ་གྲ་ འབྲས་ལྗོངས་ རྒྱུ་བ་ bill, Trident Applied Sciences གཞུག་ལས་ རྩོབ་གྲ་ Swastik གཞུག་ལས་ རྩོབ་གྲ་ འབྲས་ལྗོངས་
bill, Shri Venkateshwara གཞུག་ལས་ རྩོབ་གྲ་ རྒྱུ་བ་ འབྲས་ལྗོངས་ bill, འབྲས་ལྗོངས་ model རྩོབ་གྲ་ bill དང་ འབྲས་ལྗོངས་ མི་སར་
དགོས་གཤམ་ ལོག་ཐོབ་ཤད་ རྒྱུ་བ་ bill ༢༠༢༥ ཚུ་བཟུ་ ར་ མན་འདྲ་བོ་ ལས་ལག་ དང་ ཚུ་བོ་ གི་ ཞིབ་ཐུང་ ལོན་འབྲེལ་ ལུ་ ཡང་ ལུལ་བོ་ ཨིན།
རྒྱལ་ལས་ ཐུགས་རྗེ་ ལུལ་བཞིན་ གྲང་ཚུ་ ཁང་ གི་ དབུལ་ལི་ དང་ གཙོ་བྱི་ རྩོན་པོ་ Prem Singh རྟ་དམག་ གི་ གཞུང་བོ་ ཨིན། SKM ཚུ་བོ་ གི་
གཞུང་ གི་ མངའ་ཕྱི་ ར་ གཅིག་མཐུན་ སྤྱི་དྲ་ དང་ ཆམ་གྲ་ གནས་ཏང་ བཟོ་ཤད་ དམ་ཅན་ ཆེན་པོ་ ཡོད། རང་ གི་ གཞུང་ གི་ མགོ་ དང་པོ་ ལས་
རང་ མངའ་ཕྱི་ ར་ མི་རིག་ གཅིག་མཐུན་ དང་ ཚུ་བཟུ་ ར་ ཆམ་གྲ་ འོན་ལས་ གཞུག་ བྱས་བོ་ རྟ་ཏན་ བྱས་ གཞུང་བཞིན་ ཁོང་ གི་ འབྲས་ལྗོངས་ ལོ་
ཆོས་ལུག་ བར་ ར་ འགོ་ མ་ཅུག་ ཤད་ གཏམ་ གཞུང་བོ་ ཨིན། སྤྱི་ཞབས་ རྟ་དམག་ གི་ གཞུང་བོ་ ཨིན། མངའ་ཕྱི་ གཞུང་ གི་ ལུས་ ཡོད་ མཁན་ ༡༢
ཐམ་བ་ མི་རིག་ ལོ་ ST མིང་གཏམ་ ལུལ་ཤད་ གནང་དམ་ ཡོད་པོ་ ཨིན། ཐུ་རྗེ་ ལུལ་ཤད་ ར་ རྒྱང་ལོན་ བཞིན་ རྩོན་པོ་ལུ་ Arun Upreti དང་
Raju Basnett མཉམ་ཅེ་ སྤྱི་བྱས་ འབྲས་མི་ Kala Rai གི་ ད་རེ་རང་ རྒྱལ་ཁབ་ གི་ གཅིག་ ལོན་ འབྲེལ་ རྒྱལ་སྤྱི་ ལས་ཁུངས་ གྱི་ གཙོ་བྱི་ རྩོན་པོ་
སྤྱི་ཞབས་ Prem Singh རྟ་དམག་ ལོ་ ཐེངས་ ༢༥ འོན་ལས་ རྒྱལ་ཁབ་ གི་ ཐམས་ཅད་ ལས་ མིང་ཆེན་ གཙོ་བྱི་ རྩོན་པོ་ བོར་བའི་ འོན་ལས་ དགའ་གྲ་
ལུལ་བོ་ ཨིན། རྒྱལ་ལས་ གྲང་ཚུ་ ཁང་ གི་ གཙོ་འཛིན་ Mingma Norbu Sherpa གི་ རྩོན་ཚུ་ གྱི་ ཚུ་བཟུ་ མ་འོང་བའི་ ཉིམ་ལུ་ སང་ལྟེ་
ཚུང་བའི་ ཐག་བཅད་ གནང་བོ་ ཨིན།

BJP DELEGATE MEETS GOVERNOR

Pradesh Bhartiya Janta Party གི་ གཙོ་འཛིན་ D.R Thapa གི་ དབུལ་ལི་ ར་ སྤྱི་བྱས་ ཚུ་བའི་ ཚུ་བོ་ ཐོག་ གི་ ད་རིང་ Raj Bhawan ར་
སྤྱི་བྱས་ Om Prakash Mathur མཉམ་ཅེ་ མངའ་བོ་ ཨིན། ཚུ་བཟུ་ ར་ ཚུ་བའི་ འབྲས་མི་ ལུ་ གི་ དབུས་གཞུང་ ལས་ འགོ་བཙུག་ མཁན་
མན་འདྲ་བོ་ ཡར་རྒྱས་ ཚོད་པོ་ འཆར་གཞི་ ལུ་ དང་ འབྲས་ལྗོངས་ གྱི་ མི་སར་ ལུ་ འོན་ལས་ འདི་ རྒྱལ་གྱི་ ཆེན་པོ་ བྱས་ཐུང་ རྩོན་ལས་ གྲང་ཏིན་
གནང་བོ་ ཨིན། སྤྱི་བྱས་ གི་ ཚུ་བོ་ འདི་ལོ་ མངའ་ཕྱི་ ར་ དབུས་གཞུང་ འཆར་གཞི་ ལུ་ ལེདམ་ བྱས་ བྱས་ཐུང་ འབྲེལ་བ་ ར་ ལམ་བཟོན་ ལུལ་བོ་
ཨིན།

SELF DEFENCE TRAINING

Beti Bachao Beti Padhao འཆར་གཞི་ གི་ ལོ་ ༡༠ ལོང་བའི་ ལུས་སྐབས་ ར་ ད་རིང་ དཔའ་སྐྱོང་ གི་ བ་ཆེ་ ར་ ལུམ་ ལུ་ འོན་ལས་ རང་ལོ་
སྤང་སྐྱོབ་ སྤང་དར་ ལས་རིམ་ བཞག་གོ་ ཨིན། ལུས་ཤུག་ ཡར་རྒྱས་ ཐབས་ཅད་ འོན་བཞིན་ བཞག་མཁན་ ལས་རིམ་ ར་ ལུམ་ རྒྱང་རྒྱང་ སྤང་སྐྱོབ་
ལུ་མོ་ helpline ལུ་མོ་ རྒྱང་རྒྱང་ helpline, menstrual hygiene དང་ ལུ་མོ་ ལུ་ ཤེས་རིག་ རྩོན་ལས་ ཤེས་ཡོན་ ལུལ་བོ་ ཨིན། འདི་ ར་
རྒྱལ་ཡོང་ kickboxing champion ལུ་མོ་ Phur Diki Sherpa གི་ རྒྱང་ལོན་ཁན་ ལུ་ ལོ་ སྤང་སྐྱོབ་ འབྲེལ་ཕྱི་ སྤང་དར་ ལུལ་བོ་ ཨིན། ཁོང་ གི་
ལུ་མོ་ ལུ་ སྤང་སྐྱོབ་ དང་ ཡར་རྒྱས་ འོན་ལས་ གེམ་ ལས་རིམ་ ལུ་ རྒྱལ་ཆེན་ ཡོད་པོ་ གཞུང་བོ་ ཨིན།

EARTHQUAKE

འབྲས་ལྗོངས་ གྱི་ བྱང་ ལུ་བ་ ས་གནས་ ར་ ད་རིང་ ཉིམ་ རྒྱུ་ཚོད་ ༩ དང་ རྒྱུ་མ་ ༤.༡ རྒྱལ་མ་ ར་ ས་ཡོམ་ གི་ ཡོད་གྲ་ ལུག་ཀའི་ བསམ་སྒོ་ ཐོན་པོ་ ཨིན།
༤.༧ ཤུག་ ཡོད་མཁན་ ས་ཡོམ་ གི་ ཉུ་ འདི་ རྟ་གདོང་ ལས་ ༡༧ km གེམ་ ཐེངས་ ཡོད་པོ་ ཐུང་ ས་ཡོམ་ གི་ ག་རེ་ རྩོན་ངན་ འབྱུང་བའི་ ལོན་
མེད།

MEETING

བྱང་ འབྲས་ལྗོངས་ ར་ གདང་ ཆར་པོ་ རྩོན་པོ་ རྒྱལ་ས་ལས་ Phidang དང་ རྩོང་དགུ་ ལོ་ ཐུང་མཁན་ Phi རྩོང་ གི་ ཟམ་པོ་ རྒྱག་ས་ ལས་ ལུལ་ཁའི་
མི་སར་ ལོ་ དཀའ་ངལ་ ཐོན་བཞིན་ ཡོད་པོ་ ཨིན། འདི་ རྒྱག་མཁན་ ཟམ་པོ་ ལོག་ཏི་ རང་ བཟོ་ཤད་ རྩོན་ལས་ བསམ་སྒོ་ རྩོང་ཤད་ འོན་ལས་ Phi
རྩོང་ ར་ ད་རིང་ གཅིག་ རྒྱལ་ཆེན་ ཚུ་བཟུ་ ལུ་ ཨིན། འདི་ ར་ Gref འགོ་བཙུང་ ལུ་ གི་ ཞིབ་བཟོ་ གཞུག་ འབྲེལ་ཅུག་ གོ་ ལོན་ ལུལ་ཁན་ རྩོང་པོ་ ༩
ནང་ཤལ་ གཞུག་ འདི་ རྒྱལ་ཆུང་ ཤད་ གཞུང་བོ་ ཨིན། ལུལ་ཁའི་ འཛིན་སྐྱོང་ དང་ འབྲེལ་བའི་ ལས་ལག་ ལུ་ གི་ ཟམ་པོ་ ཞིབ་བཟོ་ གཞུག་ ལུས་ཚོད་ ར་
ཚོང་པོ་ བྱས་ཤད་ རྟ་ཏན་ བྱས་ཤད་ གཞུག་ གི་ ཡར་རྒྱས་ ལོ་ གཟེར་ཤད་ ཨིན།

WEATHER

མངའ་ཕྱི་ ཐོག་ ས་གནས་ ལུ་ ར་ ཁ་བའི་ བབས་ལས་ དང་ ས་གནས་ རྒྱང་པོ་ ལུ་ ར་ ཉིམ་ སོ་བའི་ ཆར་པོ་ རྒྱལ་ས་ལས་ རྒྱ་གྲ་ ད་ཅུང་ བར་ཡོད། རྒྱ་གྲ་
ཐོན་ས་ལས་ མི་ཆེ་ རྒྱལ་ཏང་ ར་ བར་ཆད་ ཐོན་ ཡོད། མི་སར་ ལུ་ རྒྱུམ་ རང་ཤལ་ རྒྱ་ཤད་ གོ་སྐབས་ ཐོན་ ཡོད། འདི་ བར་ ར་ ལུལ་ཁའི་ གནམ་ ལ་
མཚན་རིག་ ལས་ལག་ གི་ ཐོག་རང་ རྒྱང་ཏོག་ དང་ མཐའ་སྐོར་ ལུལ་ལུ་ ར་ མོང་ཤོས་ གནམ་ ལ་ ༡༩°C དང་ ལུས་ཤོས་ གནམ་ལ་ ༩°C ཐོན་ཤད་
རེ་བ་ འབྲན་ཡོད། ད་རིང་ མོང་ཤོས་ གནམ་ལ་ འདི་ ༡༩°C དང་ ལུས་ཤོས་ གནམ་ལ་ གནམ་ཏང་ འདི་ ༩.༩°C record ཐོན་པོ་ ཨིན།